

Su Cunventu bèciu de is paras Capucinus



Custu logu pigat su nòmini de su guventu de is paras Capucinus, chi fut uniu a sa crèsia de Santu Franciscu, ancora in costruzioni. Est stètiu fatu in su 1721 po manu de Luigi de Nureci, maistru de novitziau de Santu Ignàtziu de Làconi, gràtzias a is ofertas de is abitantis de Tortolì. In su 1766, po mori de is brigas cun is famìlias

prus importantis de sa bidda, su Règiu Guvernu iat decìdiu de serrari su guventu, chi fut passau propiedadi comunali.

In is annus su guventu fut stètiu impreau po medas cosas e su terrenu a ingìriu fut stètiu donau po ddu cortivai, po contribui a is provistas de su Monti Granàticu. In su sèculu XVIII, in su stàbili iant allogiau is militaris de sa caserma de cavalleria e fanteria, poi fut stètiu impreau po campusantu, connotu cun su nòmini de “campusantu nou de Santu Franciscu o de is Capucinus” po non ddu cunfùndiri cun su de Sant’Elia. In su 1800, ddui iant fatu una casaja, abarrada in atividadi finas a is annus ‘50. Oi, s’ùnica parti chi s’est sarbada est sa crèsia, chi est stètia adatada a triatu.